

## Edizione diplomatico-interpretativa

<p><b>G</b> es per lo freg tems nomirais. ans lam tan com fauc lacalor. catressi pueſc auer damor. eniuern bonescarida. com lan quan uerdeion los plais. enaten bonesiauzida. pos lieis plai que mos digz acueill. que perautra non sausia. moncor nima benan ansa.</p>	<p><b>I.</b></p> <p>Ges per lo freg tems no m'irais, ans l'am tan com fauc la calor, c'atressi pueſc aver d'amor en ivern bon'escarida, com lanquan verdejon los plais e n'aten bon'esjauzida, pos lieis plai que mos digz acueill; que per autra non s'ausia mon cor ni m'a benanansa.</p>
<p><b>C</b> uidas uos donx quieu sia guais. per sespar ni per flor. ni plus iratz sil freitz ue(n)s cor. ni quan uei gent acropida. q(ue) amon tan com dura mais. enfra un iorn esbruida. edecazon quan par lo fueill. eill fin re mano(n) eill uassal. cui finamistat enansa.</p>	<p><b>II.</b></p> <p>Cuidas vos donx qu'ieu sia guais ?per se·s par ni per flor, ni plus iratz s'il freitz vens cor? ni quan vei gent acropida, qe amon tan com dura mais en fra un jorn esbruïda, e decazon quan par lo fueill, e·ill fin remanon e·ill vassal, cui fin'amistat enansa.</p>
<p><b>P</b>ero pro nia de sauais. canc hom seigle non ui meilleur. si tot sen fan maint blas mador. ecel que bon pretz oblida. sembl am fol que lautru abais. (et) es razon des cauzida. com ueial pel enlautru hueill. (et) elsieu no conois lo trau. per la foudat quel sobransa.</p>	<p><b>III.</b></p> <p>Pero pro n'i a de savais, c'anc hom seigle non vi meilleur, si tot s'en fan maint blasmador; ?e cel que bon pretz oblida, sembla·m fol que l'autrui abais, et es razon descauzida ?c'om veja·l pel en l'autrui hueill, et el sieu no conois lo trau, per la foudat que·l sobransa.</p>
<p><b>T</b>ant es mon ioi (ois) fis euerais. egran canc hom nonac maior. quar de donas am lameillor. que mes tan fort enbelida. e sill uoilli mam osen lais. quieu lamarai amauida. ecela non uol ieu mo ueill. que daitan pueſc tener laclau. sieu per liei nonai dabondansa.</p>	<p><b>IV.</b></p> <p>Tant es mon joi fis e verais e gran c'anc hom non ac major, quar de donas am la meilleur, que m'es tan fort enbellida, e s'll vuoll si m'am o s'en lais, qu'ieu l'amarai a ma vida! ?e cela non vol ieu m'o veill, que d'aitan pueſc tener la clau, s'ieu per liei non ai d'abondansa.</p>

**E**t aquela foudatz nom pais. ans nam  
mais lo pro que lonor. ecelar so sapchon  
pluzor. que fols es qui iangle crida. de  
dona ni sen fenh trop guais. etenc lon  
or per delida. emou de folie dorgueill. qui  
uol blasme ni lau. ni bruit de fol quis  
bobansa.

**V.**

Et aquela foudatz no·m pais,  
?ans n'am mais lo pro che l'onor,  
e celar so sapchon pluzor,  
que fols qui jangl'e crida,  
de dona ni s'en fenh trop guais,  
e tenc l'onor per delida,  
e mou de foli' e d'orgueill,  
qui vol blasme ni lau,  
ni bruit de fol qui·s bobansa.

- letto 635 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropaea.let.uniroma1.it/?q=laboratorio/edizione-diplomatico-interpretativa-102>